

**Sud Bosne i Hercegovine**
Суд Босне и Херцеговине

Broj; S1 3 Iž 043698 22 Iž
Sarajevo; 18.08.2022.godine

Sud Bosne i Hercegovine, u drugostepenom vijeću sastavljenom od sudija Zyjezdane Antonović kao predsjednika vijeća, Vesne Trifunović i Dinke Bešlagić-Čovrlk kao članova vijeća, odlučujući o žalbi Amre Abazović sa boravkom u ..., koja osporava Odluku Centralne izborne komisije Bosne i Hercegovine broj 06-1-07-1-1341-1/22 od 04.08.2022. godine o odbijanju upisa u izvod iz Centralnog biračkog spiska za glasanje izvan Bosne i Hercegovine za Opšte izbore 2022. godine, u nejavnoj sjednici, održanoj dana 18.08.2022. godine, donio je

R J E Š E N J E

Žalba se odbacuje kao nedozvoljena.

O b r a z l o ž e n j e

Centralna izborna komisija Bosne i Hercegovine je Odlukom broj i datum navedeni u uvodu odbila upis u izvod iz Centralnog biračkog spiska za glasnja izvan BiH za Opšte izbore 2022. godine po podnesenim prijavama do 19.07.2022.godine jer nisu ispunjeni uslovi propisani članom 3.15. stav 1, 2 i 3 Izbornog zakona BiH.

Navedenom odlukom odbijena je prijava Amre Abazović iz razloga što je u prijavnom obrascu navela pogrešan matični broj, u čije ime je žalbu izjavio Dino Abazović navodeći da je suprug i da dostavlja ispravan matični broj.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbaci kao nedozvoljena jer je izjavljena od strane neovlaštenog lica ili da se odbije kao neosnovana jer su na pravilna i potpun način utvrđene sve činjenice bitne za odlučivanje.

Iz predmeta spisa proizilazi da je žalba izjavljena sa mail adrese ... u ime Amre Abazović. Nadalje proizilazi da je u prijavnom obrascu navedena druga elektronska

adresa, ... i da žalitelj nije dostavio ovlaštenje da u njegove ime žalbu može izjaviti lice sa čije elektronske adrese je žalba upućena.

Iz navedenih razloga apelaciono vijeće zaključilo je da žalba podnesena od strane neovlaštenog lica, pa je time nedopuštena u smislu člana 180 stav 3 Zakona o parničnom postupku pred Sudom BiH (Sl. glasnik BiH br. 36/04 sa izmjenama). Stoga je primjenom odredbe člana 191 stav 1 tačka 1 citiranog zakona žalba odbačena, odredbe kojeg zakona se shodno primjenjuju kako je to propisano članom 60 a) Zakona o upravnim sporovima Bosne i Hercegovine (Sl.glasnik BiH broj 19/02 do 83/08).

***PREDSJEDNIK VIJEĆA
SUDIJA***

Zvezdana Antonović